



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvací, 1625**

De obedientia, & humili responsione. X.

[urn:nbn:de:hbz:466:1-45790](http://urn.nbn.de/hbz:466:1-45790)

corde agere. Vita angelica est, chorum cum deuotione & reue-  
rentia frequētare. Nam ibi plures deuoti visiones angelicas ha-  
buerunt, s̄epius in spiritu rapti sunt, frequenter illuminati, dulci-  
ter consolati, & fortiter accensi sunt.

## C A P V T VIII.

*De custodia cella.*

1. **F** Initis primis vel tertiijs, studeas te continere à verbis multis  
& circuitionibus; sed quanto celerius potes, cellam pete, &  
aliquid boni exercitij propone, quod tibi per totam diem deser-  
uiat. Statue firmiter, quod hodie velis te custodire in omnibus  
moribus & sensibus tuis: Habere scilicet pudicos oculos, non cu-  
riosos, pauca & utilia verba, gressum maturum & incessum hu-  
milem; & in omnibus motibus & statu nihil agere aut prætende-  
re, quod cuiusquam offendat aspectum. Vbicunque necesse fue-  
rit te esse, omnibus priuatis prætermissis, studeas tempestiuè ve-  
nire. Nec assuescas malum vsum, posterior s̄epius veniendo.

2. Nihil æstima, quod facis, si non prius feceris, quod debes. E-  
sto igitur vbiunque cum primis alacer, & paratus in omni loco  
& tempore ad hoc deputatis. Communia semper præpone pro-  
prijs & priuatis. Alterius, potius quam propriam studeas facere  
voluntatem, & eris omnibus dilectus, tam Deo quam fratribus.  
Pauca verba & humile responsum habeat os tuum. Melius est ta-  
cere, quam imprudenter loqui. Libenter sis in cella: si non potes,  
custodi os tuum.

## C A P V T IX.

*De exitu ad laborem.*

1. **A** Ntequam excas, & postquam intraueris cellam, breuem  
habeas orationem. Noli cor tuum effundere ad exteriora,  
sed disce manibus operari & corde orare. Nemo statim perfectus  
est, nec vna die acquiritur virtus & deuotio ista; sed quotidiano  
exercitio & diligenti proposito, efficitur homo denotus & inter-  
nus.

## C A P V T X.

*De obedientia, & humili response.*

1. **Q** uod tibi semel inhibetur, sic studeas dimittere, ut nō sit o-  
pus secundò. Quod tibi pro bono dicitur, pro bono accipe,  
& eris semper inde melior. Non queras excusationem in defe-  
ctibus, sed humiliationem cum emendatione. Si vis semper lu-  
crari & amari, humilia te, & tace sustinens. Virtutes semper læti-  
fiant, passiones mœstiam generant. Sacram scripturam dilige,  
libenter

Propositū  
quilibet  
die reno-  
uandum.

698 EXERCITIA SPIRITALIA.  
libenter in corde lege, & aliquid inde extrahe. Disce deuotè meditari, cum gemitu cordis orare, & mentem ad Deum eleuare.

### C A P V T XI.

*Ad quid omnia exercitia sint dirigenda.*

2. **O**Mnia exercitia ad hoc dirigenda sunt, ut passiones vincatur, vt propria voluntas mortificetur, vt mundus contemnatur, & Deus diligatur: vt caro refrenetur, & spiritus ad cælestia eleuetur: vt omnibus affectionibus mitigatis, puritas cordis & tranquilla mens possideatur. Modicum laborabis, & magnam requietem inuenies. Breue est tempus peregrinationis nostra, sed præmium nostrum erit gaudium sine fine. Multi maiora tolerant pro mundo, quam nos pro Deo. Multiduriora patiuntur, & vivi lius agunt pro inferno, quam nos pro cælesti regno.

### C A P V T XII.

*De refugio ad Deum semper habendo.*

Psal. 26.  
Abacuc 2.

1. **V**iriliter age, & confortetur cor tuum. Dominus erit tecum, in omni tempore & loco. Quære illum, & inuenies; clama, ne cesses: si moram fecerit, expecta eum, & non morabitur. Dic ad eum: Veni Domine, & noli tardare; Domine ad adiuuandum me festina. Adiuua me Iesu bone, & salua erit anima mea. Seruus tuus sum ego; da mihi auxilium gratiarum tuarum, & bene mihi citò erit.

2. Domine dignare esse mecum, & ego libenter volo esse tecum. Domine propter te incepi, propter te mundum reliqui, propter te patior tentationes istas. Propter te suscepi labores istos, propter te morior tota dic. Propter te estimatus sum sicut stultus & inutilis homo. Propter te arguor & corrigor; propter te surgo & canto; propter te ieiuno & vigilo; propter te labore & scribo; propter te cellam custodio & taceo. Propter te omnia ago & sustineo: quia tu bene dignus es, & largus ad retribuendum mihi, in tempore tibi beneplacito. Domine suscipe seruum tuum in bonum, & non timebo, quid faciat mihi caro vel homo.

3. Domine Iesu, esto tu refugium meum, & unicum solatium meum. Esto tu specialis amicus meus, quia omnes amici mei me reliquerunt. Esto tu spes mea, quia vana spes in hominibus. Esto tu gaudium meum & lætitia cordis mei, quia omne gaudium mundi totum inane. Esto tu dux meus, & notus meus, & socius meus in via hac, qua ambulo; quia homines citò deficient, & auferentur à me. In te cantatio mea, in te consolatio mea, in te tota fiducia mea. Sis tu salus mea & honor meus, amor meus & dulcedo mea. Da mihi amare crucem tuam, & imitari vestigia pa-

fionis

